

**TORAH PORTION: Bo B****Exodus 11:1-10****Aliyah #1**

1 ויאמר יהוה אל משה עוד נגע אחד אביא על פרעה ועל מצרים אחרי כן ישלח אתכם מזה כש'לחו כלה גרש' יגרש' אתכם מזה 2 בדבר נא באזני העם וישאלו איש מאת רעהו ואשה מאת רעותה כלי כסף וכלי זהב 3 ויתן יהוה את חן העם בעיני מצרים גם האיש משה גדול מאד בארץ מצרים בעיני עבדי פרעה ובעיני העם

**Aliyah #2**

4 ויאמר משה כה אמר יהוה כחצת הלילה אני יוצא בתוך מצרים 5 ומת כל בכור בארץ מצרים מבכור פרעה הישב על כסאו עד בכור השפחה אשר אחר הרחים וכל בכור בהמה 6 והיתה צעקה גדלה בכל ארץ מצרים אשר כמהו לא נהיתה וכמהו לא תסף 7 ולכל בני ישראל לא יחרץ כלב לשונו למאיש ועד בהמה למען תדעון אשר יפלה יהוה בין מצרים ובין ישראל

**Aliyah #3**

וירדו כל עבדיך אלה אלי והשתחוו לי לאמר צא אתה וכל העם אשר ברגליך ואחרי כן אצא ויצא מעם פרעה בחרי אף ויאמר יהוה אל משה לא ישמע אליכם פרעה למען רבות מופתי בארץ מצרים .<sup>10</sup> ומשה ואהרן עשו את כל המופתים האלה לפני פרעה ויחזק יהוה את לב פרעה ולא שלח את בני ישראל מארצו

**TORAH PORTION: Bo A****Exodus 12:21-32****Aliyah #1**

ויקרא משה לכל זקני ישראל ויאמר אלהם משכו וקחו <sup>כ21</sup>  
 לכם צאן למשפחתים ושחטו הפסח <sup>כ22</sup> ולקחתם אגדת אזוב  
 וטבלתם בדם אשר בסף והגעעתם אל המשקוף ואל שתי  
 המזוזות מן הדם אשר בסף ואתם לא תצאו איש מפתח ביתו  
 עד בקר <sup>כ23</sup> ועבר יהוה לנגף את מצרים וראה את הדם על  
 המשקוף ועל שתי המזוזות ופסח יהוה על הפתח ולא יתן  
 המשחית לבא אל בתיכם לנגף

**Aliyah #2**

ושׁמרתם את הדבר הזה לחק לך ולבניך עד עולם <sup>כ25</sup> והיה  
 כי תבאו אל הארץ אשר יתן יהוה לכם כאשר דבר ושׁמרתם  
 את העבדה הזאת <sup>כ26</sup> והיה כי יאמרו אליכם בנׁיכם מה העבדה  
 הזאת לכם <sup>כ27</sup> ואמרתם זבח פסח הוא ליהוה אשר פסח על  
 בתי בני ישראל במצרים בנגפו את מצרים ואת בתינו הציל  
 ויקד העם וישׁתחוּו <sup>כ28</sup> וילכו ויעשו בני ישראל כאשר צוה  
 יהוה את משה ואהרן כן עשו

**Aliyah #3**

ויהי<sup>כ29</sup> בחצִי הלילה ויהוה הכה כל בכור בארץ מצרים  
 מבכר פרעה הישב על כסאו עד בכור השבִי אשר בבית הבור  
 וכל בכור בהמה<sup>כ30</sup> ויקם פרעה לילה הוא וכל עבדיו וכל  
 מצרים ותהי צעקה גדלה במצרים כי אין בית אשר אין שם  
 מת<sup>כ31</sup> ויקרא למשה ולאהרן לילה ויאמר קומו צאו מתוך  
 עמי גם אתם גם בני ישראל ולכו עבדו את יהוה כדברכם  
 גם צאנכם גם בקרכם קחו כאשר דברתם ולכו וברכתם גם<sup>כ32</sup>  
 אתי